



АС САЛАМ

Уркѣцила Веґ Аллагъла уличил

www.assalam.ru

№ 02 (139)

15 февраль 2011 г.
Рабиғуль-аввал 1432 г.
Базли гъчам дарган
мезличил дурабулхъу-
си. Багъа 20 къруш

4 Калахъунти
дехИбала
черихънила
хІекълизиб



6 Мавлид



7 МухІяммад
Идбагла чевяхІдеш,
кабизалачевдеш ва
цархІилти
хасдешуни




НА ДАРГИНСКОМ ЯЗЫКЕ

РУХІЛА ВА БАГЪУДИ ТІИТІБИРНИЛА ШАЙЧИБСИ ГАЗЕТА

Рабиғуль аввал

Мадинализив хІерируси
ца адамла дебали вай-
си урши леври, вайсира
ибхІели, ил вебкІибхІели ила-
ла дудеш бегІла гІергъиси гъуй-
чи гъуниватесра хІябличи
архІявкъун. Ил урши вебкІили
гІергъи, дудешли ил муэрли-
зив Алжанала ухІнав чева-
иб. Ил секІайчи тамашакІяъ-
убси дудешли илизи Алжанали-
зи хъураварнила сабабличила
хъарбаиб, сенахІенну ил урши-
ни шаригІятла гъуйчив гІямру
дуркІуси ахІенри. Дудешла суал-
личи дурхІяни жаваб чарба-
тур: «Гъачам ну адамтачил варх
шагъарла дубла арякъунра, ил
замана Идбаг ﷺ гъазаватличи-
вад чарулхъулири.

Идбагличил ﷺ барх бякъунти
асхІябтазибад нуни цализи Идбаглич
ﷺ селра заралси бетатурал, Идбагла ﷺ
арадешличила хъарбаира, набзи ит
асхІябли иб: «Шукру биаб Аллагълич
ﷺ, Идбаглич ﷺ селра бетхІеур, ара
сагъли чарухъун» – ил секІайчи ну
дебали разивиубра. Ну чІянкІли рази-
виубра Идбаг ﷺ сагъли заралла секІал
къячхІебики хъули чарухъниличи.
Ил разидеш багъандан, Аллагъли ﷻ



чевверхурли дила бунагъуначивадра,
хъураварили, Алжанализира нура рази-
каварира». Рабиғуль аввал – нуша-
ла Идбаг ﷺ акІубси баз саби, нушаб
жагъаннабла цІализирад дерцахъес

узуси, нушачив Аллагъ ﷻ чевверхъ-
ес улгуси, къиямала бархІи нушаб
шафагІят бируси Аллагъла ﷻ ХІябиб
акІниличи нушала разидешли Аллагъ-
ли ﷻ нушалара бунагъуни умудир-

ниличи хъул леб. Аллагъ ﷻ Къръай-
зив викІули сай (мягІна): «Бура чузи,
Аллагъла ﷻ уркѣцичевдешличи саби
разибикаб». (Къръан, сура 10, аят 59).
Нушазибад чилилра багъес хІейрар къи-
ямала бархІи сай чичил варх вирарал.
Амма Аллагъли ﷻ дунгъяличир лерай
нушаб ихтияр лугули сай къиямала
бархІи нушаб дигутачил дарх детаахъ-
ес. Хаслира Идбагла ﷻ хІядислизиб леб:
«Къиямала бархІи адам сунес дунгъя-
личиб дигути адамтачил варх вирар». Гъачам шайх МухІяммад ибн Пялави
ибн Пяббас аль-Маликилизи хъарбаиб:
«Сен нушала Идбаг ﷺ дегІла дурхъа-
ти Рабазан, Ражаб, ШягІбан бузразив
ахІекІубли, рабиғуль аввал базлизив
акІубсив?» Шайх Пялавини жаваб чар-
батур: «Идбаг ﷺ Рабазан яра Ражаб баз-
лизив акІубси виалири, адамтас гъан-
бирки илди бузранира Идбагла ﷻ акІни
дурхъабириси саби или. Амма Идбаг
ﷺ дурхъаварниличиб дурхъаси селра
лебсив? Аллагъли ﷻ нушала Идбаг
ﷻ акІахъуб рабиғуль аввал базлизив,
ил баз Идбаг ﷻ акІниличил дурхъа-
барес Адам идбаглич нушала идбагла
нур къакъла чІалализи кабихъибхІели,
лебил малаикунни илала къакъличи
хІербикутири. ИлхІели Адам Аллагъ-
лизи ﷻ тиладиухъун ил нур сунела
андаличи кабихъахъес, малаикунни
сунечи гъалабад хІербикулахъес
багъандан. »

» 6

Селис ургъусири Имам Шамил?

БикІуливан, чула тарих
хІебалутти миллатла челябкъла
хІебирар! Иличи чебатес вирар,
челябкъла биэс хІебирар тарих
багъес гъуцІхІебикІуталара. Или-
чила нуша, дагъистанлантани-
ра багъес гІягІнили саби. Нуша-
ла давлачехси тарих лебли-
хъалли, ил балулра или гъа-
рилли бурес хІейрар. Кавказла
дергъ гъанбиркахъули, «имам
Шамилла капуртачи къарши-
си дяв даимбирехІе» бикІути
ва жагІилти адамти чула къя-
янази битикІути адамти леб,
илхІелира жагІилтани ит дергъ-
ла я сабабти, я шуртІри далу-
ли ахІен. Илди масъулти гъарг-
дарахъес, Кавказла дергъли-
чила бурахъес нушани Дагъис-
тайзив машгъурси, БатІлукъла
шилизивадси гІялим МухІяммад
ГІябдулгъапууровлизи тилади-
барра.

Легтанилра балуливан, ХІясан-
уастаз Россияличилси даршудеш

гІевсири. МухІяммад, се бурида
хІуни иличила?

ХІясан-апандини иргъул-
ри, Россия чедибиркниличила, ил
багъандан илини дахъал кагъурти
лукІусири халаси улкалис къаршили
дурахІебухъахъес жи бухІнабуцибти,
ил дахъал районтази ваибсири сунела
гъайличи лехІбилзугачи дугъаилзули.
Ил казият (шаригІятла суд) лебихІи,
Хунзахълизира ваибсири, гІялимтачил
ил масъалала чевкад гъайухъес багъан-
дан, ва ил агилизиб бегІлара гІяхІси
даршудешла вягІда барни саби или
иргъахъусири. Сунела пикруми или-
ни ишкъайда Ачихъдирусири: «Челяб-
къуси гъужум – ил капуртала чІумаси
цІакъ саби, ил анцІбукълизиб бегІлара
гІяхІси – илдас къаршили дурахІевхъни
саби, дергъ кахІебикахъни саби, халкъ
илдас къаршили кахІебизахъни саби.
Илди бахІахъес батирая, илдас гъу-
ни гІемайкІидая, гъуни къяпІбаралра
лябкъян илди. Илдала халаси цІакъ,
ярагъ лер, эгер нуша илдас къар-
шили кадизахІелли – халкълис зул-
му биру, пунтдеш тІинтІдиру, мурул
адамти кабурушу, хъунул адамти ва
цІуръабиубти дурхІни кавлан.

» 3

ЧебяхІти имамти-саяфунни ва тасаввуф

Чичи вирхуси: нушала саяфуначи яра вагъабиянтаци?

КъурамухІяммад-хІяжи Рамазанов

Имам Абу-ХІянифа

Ил мурталра машгъурти суфиби
ГІябдулла ибн Мубаракличил, Ибра-
гъим ибн Адхъамличил, Шакид Бал-
хилиличил, Ляйс бину Саадличил ва
цархІилтачил варх вирусир.

Илкъяйдали Имам Абу ХІянифани
машгъурти суфибазирад багъуд-
луми кайсутири, масала, ЖягІфар
ас-Сидиклизирад, МухІяммад Бакирли-
зирад, Хамад бин Абу Суляйманнизирад
(«ИтхІаф ас-садат альматакин», 1 т. 329 б.).

Ибн ГІябидинна «ХІашиятлизиб»
ва «ад-Дураруль-Мухтарлизиб» бурили
саби:

«Давуд ТІайини МагІаруф аль Кар-
хилилизи иджазу (ихтияр) бедили сай,
илини ил Сария ас-Сакагиллизи бедил-
ли сай, илини биалли, аш-Шиблизи
бедили сай – илкъяйдали башусири
Накъшубандила ТІарикъатла ца къяли.

Имам Абу Ханифала «КІел дус
хІедиубти диалри, ну улхусири» ибти

дугъби ибн Абидинни ишкъайда баян-
дирули сай:

Саййидин ЖягІфар ас-Садикъ или-
ни (имам Абу ХІянифани) кІел дус гъу-
нивалтули калун. Иличибли ил дин-
на багъуддумачи (тІарикъат) вегІиуб...

Абу ГІяли Даккакли (имам аль-
Къушайрила шейхли) ил гъуни касибси-
ри Абу аль-Къасим Насрабадизабад, Абу
аль-Къасимли – Шиблизибад, Илини –
Сарри Сакагизабад, илини биалли – Ма-
руф аль-Кархилизибад, илини – Дауд Таи-
лизибад, Дауд Таили биалли багъудлуми
къабуддарибти сари Абу ХІянифализирад
(Ибн Абидин «ХІашият Радд аль-Мухтар»,
43 б.; «Фатва аль-Умайрия», 2 б.; «Буруж
аль-Мушайада» 79 б.).

Ил Мубарак сай-алавти суфибас
«грекунни, индусуни, зороастриялан-
ти яра мушрикунни» саби викІуси
ахІенри.

Гъанна пикридухъеная, бусурман-
ти, чичи вирхаалли гІяхІсил: имам Абу
ХІянифачи яра «восток рур-
къянтаци» ва чеббалкІунтачи?

» 5

Х'ямзат-Апанди
Г'итинамух'яммадов

Г'ими ва г'ясидеш

Г'ими ва г'ясидеш – нушала жамиг'ятлизир т'инт'диубти излуми сари. Сунела напсличивад (сай вег'си «ну») чедивикибси сай ах'си даражаличи ваибси, сунела напс сунечибад чедибикибси ах'енну.

Илг'уна ах'си даражаличи ваэс баг'андан, Аллағ ﷺ имц'али г'ануршес, динна шайчирти баг'удлуми кайсес, г'ябидуначил ва г'яx'ти адамтачил г'ял-маг'икес г'яг'ниса саби.

Г'ачам ца адам Идбагличи ﷺ г'амвиуб ва иб: «Набзи насих'ят г'еббурагу!», Идбагли ﷺ жаваб бедиб: «Г'ясимайруд!». Х'ярик'усини чуйналра сунела тилади тикрарбариб, Идбагли ﷺ г'ялаб к'яйда илг'уна жаваб бедиб.

Ил х'ядислизибси насих'ят ца адам-лисцун хасбарибси ах'енну, лебил бусурмантала умматлис хасбарибси саби.

Г'айг'айра, адамли г'ими тамай агарбарес х'ейрар, ил барес г'яг'нидешра агара, сенк'ун адамли г'имира к'ябулагардешра дак'ударес г'яг'ниги аги-к'яйда дирути сари. Масала, уршини яра рурсини Аллағ'ла ﷺ к'яанунти дулгули биалли, Шариг'ят х'ясибли палтар чех'елгули риалли рурсини, яра уршини дех'ибала х'едирули виалли.

Имам Шафиг'ли – Аллағ ﷺ разивиаб сунечив! – иб: «Эгер чи-биалра г'ясивирах'ули виалли, ва ил г'ясих'ейалли – ил эмх'е сай!»

Амма дак'убириси г'ими Аллағ ﷺ баг'анданси бизес чебиркур, царх'илван асух'ебирар. Нушала г'ими биалли имц'ливан Аллағ ﷺ баг'анданси ах'ен.

Г'ялимти бик'ули бирар: «Х'ед се-биалра дигулри, царх'иллисра дигули сай се-биалра, амма г'ярли-марли... Аллағ'лис ﷺ дигуси саби бетаруси.

Г'ими шайт'айзибад саби, илбаг'андан адамлис парг'атвиэс баг'андан дазала дарес г'яг'ниги сари. Илк'яйда илис кайэсра х'яжатси саби.

Г'ачам ца к'яраваш х'унул адамли Г'яли бин Х'усенна ﷺ няк'бачи шин керт'ули руили сари, хапли илини гажин няк'базибад убях'ибиках'иб ва ил Г'ялила бек'личи какикиб ва бек'ляч'х'ун. Илини бек' ах'барибх'ели, к'яравашли К'ур'айзибадси аят белч'ун (мяг'на): «Чула г'ясидеш диг'янбирути», ва илх'ели Г'ялини иб: «Г'ярли-марли, нуни дила г'ясидеш диг'янбарра».

К'яравашли аят даимбариб (мяг'на): «...ва адамтачибад чебурхути» - ва Г'ялини илизи иб: «Марлира, ну х'ечивад чевкерхурра!».

Г'ур илини аятла мяг'на даимбариб (мяг'на): «...г'ярли-марли, Аллағ'лис ﷺ г'яx'идешуна бирк'ути дигах'у». Илх'ели Г'ялини иб: «Рук'ен, марлирагу, х'у Аллағ ﷺ баг'андан азадралтури!». Ил к'яраваш (лаг'т) сарри, ва илини ил Аллағ ﷺ баг'андан азадратур.

Илг'уна даражаличи даэс х'едирули диах'елли, г'уц'ли диэсалра г'яг'нилира.

Аллағ'ли ﷺ ик'ялабараб нушаб г'яг'ниса мерлаб г'ими дак'убирах'ес, ва х'ейгеси г'имилизирад сах'яладидах'ес! Амин.

Даг'иста муфтийли бусурманти дурх'аси Раби-г'ул-аввал базличил мубаракбирули сай



Ах'ерти узби ва рузби, урки-уркиларад х'уша дурх'аси базличил мубаракдарес дигулра, сунезивра нушала Мух'яммад Идбаг ﷺ ак'убси!

Аллағ'лизи ﷺ тиладибирул-ра Идбаг ﷺ чевях'вирах'ес, илала х'урмабирах'ес г'урра нушаб дах'ал имканти гах'ес. Чевях'силези ﷺ тиладибирулра, иш базлизив ак'убси Мух'яммад Идбаг ﷺ баг'андан, Даг'-

истан лерил балаг'уназибад, питнализибад, миллатуни ургарти ва динани ургарти цах'ебалгундешуназибад берцах'ес.

Х'ядислизиб буруливан, иш дун'яличиб нушаб дигутачил дарх дирутира нуша. Аллағ'ли ﷺ нушаб Сунела Расулличира ﷺ илдиг'унти дигай дих'ах'ес кумекбараб, ил к'яянси барх'и нушара Мух'яммад Идбагла ﷺ байрах'лиур диах'ес.

Идбаг'дешла наслулизибаг пай каса


Нак'шубандила ва шазалила г'арик'атунала х'урматла шайх Сяг'ид-апанди ал-Чирк'авила (к'с.с.) сагаси жуз дурабух'и саби «Идбагунала тарих. Том 2».

Сунела жузлизир х'урматла шайх Сяг'ид-апандини (к'с.с.) арг'если ва барх'ли идбагуначила бурули сай. Сяг'ид-апандини К'ур'я тафсиртачи (мяг'на г'ярг'барни), х'ядисуначи ва царх'илти жузачи х'ярах'или, устадешличил, к'янт'ли нушала г'ялаб идбагунала тарих г'ярг'барес виуб.

Жуз бах'ал буч'антас хасбарибси саби, исламла тарих рурк'янтачибад бех'ибх'или, г'ядатла буч'антачи баайчи.

Жуз к'арах'ала мезличибад урус мезличи шурбалтнила х'янчилизи М.М. Х'яжиевли, С.М. Султ'анмах'яммадовли, Г.А. Ич'аловли бут'ак'яндеш дариб, жуз А.С. Ацаевла редакциялиуб дурабух'ун.

Жузла ахирлизиб шайх Сяг'ид-апандини (к'с.с.) луц'ули сай: «Нуни буриси хабар халк'лис пайдалачеб-сили бетаах'я дила Аллағ ﷺ, сабира нуни заманала т'алаб х'ясибли белк'ес х'ульвибси, ну ил белк'ес лай-ик'якили х'ейасра, умуги г'яйли бетаах'я ил, г'ур Х'уни наб сунес баг'андан урк'ух'ебях'еси. Набчибад ах'ерси Г'яx'мадличи ﷺ, илала х'ялибарг'личи ва



асх'ябтачи, илк'яйда илдада г'униг'еб арб'як'унти ва Х'ела Шариг'ят бих'либти умматла имамтачи саламти даах'я.

Амин Аллағ, я Аллағ! Амин Аллағ, я Аллағ! Амин Аллағ, я Аллағ! К'ябулбара, я Аллағ!».

Х'унул адамла к'лана юристуна г'еббурцули саби



Улкала г'ярил гражданинна Конституцияли г'ердуцибти ари-ихтиюрти лерти сари. Иличи х'ерх'еили, цацах'ели бусурмантала ихтиюрти дулгули сари.

Имц'аливан илдада ихтиюрти керисни бусурман х'унул адамла

чедила куц'личил дархдаси сари. Чуни бузах'уси динна т'алабуни х'ясибли к'ланачерли рашес дигуси х'унул адам х'янчилар яра руч'уси мерлар к'яяндешуначил рях'лигули сари, илис к'ядаг'ябирули саби илк'яй-

да рашах'ес. К'яршидиркули сари анц'убукуни базарличи ракибси г'ядатла бусурман х'унул адам сек'ал дирцути адамтани «Х'ера, ваг'абистка лярк'ули» или , к'ланачерси х'унул адамлис дец'игах'ути. Нушачира чуйнара каг'урти дак'иб, к'ланачебли или х'янчила х'ебурцути рурсбачирад. Школабази к'унбичебли башах'ес х'ебалтути рурсбала бег'гачирадра дак'иб каг'урти.

Бах'алг'унти бусурмантани чула ихтиюрти далтах'ес х'ебалниличила к'яршидикира нуша.

Ислам дин бузах'утачил илдиг'унти анц'убукуни кадирик'нила ва имц'адиг'нила сабабличил, чедир г'яндущибти мас'ултачил к'яршибикибти бусурмантас ва илдиг'унти царх'илгас кумекбарес ибси к'ясличил, Даг'иста Динна идарализи юристуни-бусурмантала к'укия дуг'абизур. Кумек х'яжаттани иш номер х'ясибли зянк'ядях'ес бирар: 8-988-291-64-63.

<p>Учредитель Благотворительный фонд «Путь». Газета печатается по согласованию и одобрению Духовного управления мусульман Дагестана</p> <p>Редакционный совет Председатель редакционного совета муфтий РД Ахмад-хаджи АБДУЛАЕВ заместитель муфтия РД Мухаммад ДАВУДОВ</p>	<p>Редактор Патимат СУЛЕЙМАНОВА</p> <p>Канонический редактор Мухаммад ДАВУДОВ</p> <p>Ответственный секретарь Ахмед МАГОМЕДОВ</p> <p>Дизайн, вёрстка Лейла ГУСЕЙНОВА</p> <p>Набор Гульнара АБДУЛАЕВА</p>	<p>Менеджер Абдусабир АХМЕДОВ</p> <p>Газета зарегистрирована Федеральной службой по надзору в сфере связи, информационных технологий и массовых коммуникаций.</p> <p>Свидетельство о регистрации ПИ № ФС 77-42079 от 24 сентября 2010 г.</p>	<p>При перепечатке ссылка обязательна.</p> <p>Набрано и сверстано на компьютерной базе газеты «Ас-Салам». Отпечатано в ООО «Дом печати» по адресу: пр-т Акушинского, 20.</p> <p>Заказ № _____</p> <p>Сдано в печать 14 февраля 2011 г. в 19:00</p> <p>Тираж 3.200 экз.</p>	<p>Адрес редакции 367015, РД, г. Махачкала, ул. Азиза Алиева, 2.</p> <p>По вопросам подписки и доставки обращаться по телефонам: по Республике Дагестан — 8-988-699-28-24 по г. Махачкале — (8722) 914-222.</p> <p>E-mail: assalamweb@gmail.com; www.assalam.ru</p>
---	--	---	---	--

Селис ургъусири Имам Шамил?

1 « Илдани чула солдатана лебил Дагъистан бирѣлахъу ва иличирли бунагълати секлал, бархъагардеш имѣадиру. Илдани динна гІядатуни дарсдиру, нушачи налогунни чедирхъу, халкълис хІербиэс дебали къиянни бирар. Нушачиб гъанна Имамат агара, илбагъандан илдас къаршили дурадухънира гъазават ахІен: гъазават барес багъандан гІягІнити шуртІри агара».

Илгъуна бухІнабуцІичилти кагъурти ХІясан-апандини Дагъиста шимази дурхъусири, сайра ила вашусири.

Ит замана Хунзахъла имам Нажмудин Гоцинский сайри. Нажмудин сунечи белкІунси кагъарличи лехІехъниличила багъурхІели, Сайпуллагъ-къади, сунела ухънадешличи ва урчиличи чила-биалра кумекличил ахІенси мурдавиес хІейриличил хІерхІеили, ХІясан-апандичил ва цархІилти динна хІяракатчибачил варх Хунзахълизи ваиб. Илдани Нажмудин варгиб ва илизи анѣбукъ селизиб сабил аргъахъиб. Амма Нажмудинни илдани дурути иргъули ахІенри. Илди гъайбикІухІели ил урчиличи-вадалра кахІеѣиб. Илдала дурути тамандиубхІели, Нажмудинни урчи шурбатур, гІярчумагъ бяхъиб ва арякъун, сунела къабулагардеш далахъули. ИлхІели Сайпуллагъ-къадини иб: «Гъанна ну вахъхІи кахІевлас ургус, амма калунтани чараагарли чебиу илди адамтала ахир сегъуна бирарал!». «Уктемси адамлизи уктемдеш чедахъни – ил чебла саби» - иб Сайпуллагъ-къадини ва ласвахъили арякъун. Илкъяйдали Нажмудин насихІятуначи лехІехІейзур. Чуни барибсила ахир сегъуна сабрив или гъанбиркулив хІушаб? Сегъунариб Нажмудинна ахир? Илдани дарибти – пунтдеш сарри.

- ХІу урусунни бакІниличила гъайикІулри, гъалаб илди ишаб агартирив?

- Имам Шамилла замана (Аллагъ разивиаб сунечив) урусунна Хунзахъла ханна улка (ханство) чула хІерудилиур касибтири, илдас арѣ декІардарибтири, шаригІятла суд биалли (казият), ил ханствола арилуубсири. Дагъистайзиб илдани Имамат кабизахъес, ва шаригІятла суд имамличи хъархІерсили бетаахъес хІедалтутири. ЦархІилтаци чебулхъутири, ясирбурцутири ва чус лагъдеш дирахъутири. Илбагъандан Россияли дубуртала ханство гІеббурцутири, илдас ва судьябас алапа бедлугутири. Ханани Россиялис мутІигІбакІиб, ва гІергъитани Имамат, казият ва муфтият акІахъес къадагъабариб. Россияли лерил цІакъани дяхІеаиб гъар секлал чула пачалихъла законтачил цугли диахъес багъандан.

Имамти ГъазимухІаммад, ХІямзатбек ва Имам Шамил (Аллагъ чучив разивиаб) бикІутири: «Диннис диргаламадулхъада! Пачалихъ биаб, илдала низам, хІукумат биаб, амма хІушани (ханани) дин гъятІмайидая, хІушачи динна адамти мутІигІбикІахъули, хІушала мурадуначи даэс багъандан, урусунна гІяхІдешлис. Нушани имам чеввиркІехІе, ва исламла улкализиб биэс гІягІнители къяйда мутІяллимти ва судьяби декІарбирехІе». ИлхІели ханана пача НикІалайличи кагъарлукули саби ва кумекбарахъес тиладибирули саби. Илдини иша сунела адамти бурхъули сай, чунира ишабси аги багъурли ва лерил мераначи чула къараулти кабалтули саби, ва халкъличи налогунни чедирхъули саби. Имам илди секІайчи къаршисири.



Ил виКІусири: «Ишар къехІбаханаби гъаргмадиридая, хІушала къараулти камабалтадая, нушала судьяби хІушачи лехІихъанмабиридая, илдас алапа малугада ва илди хІушала арилизи мабурцидая, нушала дин гъятІмайидая!». Имам умуси ШаригІят кабизахъес гъуцІусири, Дагъиста халкъ динна бетаахъурли, илдиши ШаригІят бузахъес багъандан. Имамли динничи далдикибти законтни кадилзахъусири. Амма Имамли урусунна къаршидеш дарниличил ахІенри пикри бяхІчеуиси. Илдини халаси пикри бяхІчеуили вири динна бухІнабси умудешличи, гІилмуличи, судьябачи ва ц. Лерил илди Дагъистайзир ва Чечнялизир Имамла хІерудилиур детурхутири. Пачалихъ сунела законтни хІясибли бузулри, Имам Шамилли биалли дин бихІулри. Дин мяхІкамбарниличил халаси пикри бяхІчеуисири илини. Цалра мугІяллим, цалра мудар, цалра наиб, гІилмуличил вархвасунси цалра адам илини бургъахъес аркути ахІенри. Дявллизир дикибти масла шуибил бутІа гІилму гъалабхІ арбукилис харжбурисири. Илала низам сабри илгъуна. Урусунни илис сецад диргалабулхъули биалра, илцадра ургъусири ил илдахІил. Илала мурад урусунначи урънилизибцун ахІенри: илис дигулри Дагъистайзиб дин тІинтІбирнила шайчибси хІянчи бехІбихъили. Имам Шамил ясируцибхІели, пача Александр-ІІ-ли илизи или сай: «Дявла кумекличил кадизахъес хъулвикІути, хІела динна шайчирти мурадуначила тиладибара гъанна набзи: нуни хІела мурад

бирис». Имамли иб: «Нуни гъачамалра акІахъубти секІайзи селра тиладибарис ахІенра, Аллагълизи ахІенси. Хаслира хІези, Александр, капуртала пачази, нуни селра тиладихІебирис – ну шаддикъ (тиланчи) ахІенра». Александр-ІІ-ли илхІели халауркІхІейубли иб, илис илкъяйда эс манпагІятлири: «Эгер хІела динни набзи тиладибарахъес ихтияр хІелугули биалли, буйрухъбара набзи – нуни бирис хІела хъарбаркъ». Александр-ІІ-ли илкъяйда бурибхІели, Имамли Дагъистайзир къехІбаханаби хІебхъахъес, дагъистанлантала гІярмияби ахІелкІахъес, налогунни чехІедирхъахъес буйрухъбариб. ЦархІилван буралли, динничи далхІедикибти лерил секлал Дагъистайзир тІинтІдирахъес Имам Шамилли къадагъадариб. Иличила документ барибсири ва НикІалайли ил къулбасбарибсири. Илис гІергъи цацабехІти гІурра Имам Шамил... дявлзив удивикиб бикІули саби. Имам Шамилли дявлчил сархес дигути лерил секлал Александр-ІІ-ли дарес чеасили сай, сунени ясируцибси Имамла буйрухъ хІясибли барибси гІягІниси документ къулбасбарили!

- ХІебиалли, Имамли дяв даимхІебиралри, Александр-ІІ-ли илди документла бутІни дартаахъес чехІейсули уилив?

- Гъайгъайра, чехІейси. НикІалайли иргъулри дявла мурадуначила, илбагъанданри илини чедахъибти хъарбаркъуни тамандарес чеасибси. Илизи сабригу дявла мурадра.

Хъарахъуд бирар...

Асият
МахІяммадова

ХІижабличила

ХІижаб – нуни чебикІибси саби. Илди дугъби дурес ва ахирличи бикайчи аргъес илцадра гъамадси ахІен, илхІелира Къудратла ВеГІла хъарбаркъ дурусли таманбирули калес ва ил веГІличи разили калахъес. ХІижаб хъалибаргъли яра гъамтани хъарбарни хІясибли бихес буресцад гъамадси ахІен. Чедирти палтарли адамла бухІнала дигІянбарес мурталра бируси ахІен къалли. Къудратла ВеГІлис мутІигІси хъунул адамли, сунечи чІянкІила кесек бергурли, иличил бекІла гъез кІапІдарили рашухІели, хІижаб – ил гІяга хІебиъни, ил адамла пикрумала кабиз биъни, баркъ-бацла ва вяшатІалала ца белгиси бетуц биъни балули сари, ил хІясибли хІеррирес хІяжатли биъни иргъули сари. Ил сунени сари бяркъла шайчирти белгити дазурбала рухІнар рихІули сари. РяхІра някъб-рацун гъаргли датурли хъалли, ил вайти хІялтІабигІятла лишанти дагъардулхъахъес даимриубли риалли, илини бихуси хІижабла къадри бетихъахъу. Адамла чедибадси чебаъра (куц) бухІнабси дунъяра далдикили, цали итил чедирѣлахъули диэс гІягІнити сари. Сунезирти кабизалачердешли, халахІерурхІили, хамдешагрили, сунела мер баллили, урезили лерилра замунтазир черяхІируссири бусурман хъунул адам. ХІижаб сегъуналар анѣбукълизиб я хІянчилиси, я белчІудилиси, я бамсриихънилис диргалабухъес бируси ахІен, эгер хъунул адам асудирути дазурбала рухІнар калес рирули риалли. Исламла хъунул адамтазибси ил шайчибси жагадешличи цархІилти динанала вакилтанира пикри бяхІчиули саби. ЦацахІели хІижаб бихес хІяжатбиркахъути сабабти дурад яра сари хъунул адамлизивад разидеш кахІесили, чекадигъунти диэсра дирар, масала, муруй яра гъамтани тІалаббирни хІясибли. Сецад хІейгеси биаллира, бусурмантала ургабра бусурманти ахІентала ургабра хІижаб илгъуна сабаб лебни багъандан бихули бургар или гъанбиркути къаршибиркули бирар. Илдани иргъули ахІен хІижабли гъарли-марли бусурман хъунул адам талихІчерси ретарахъули риъни.

Илдини хъунул адам Аллагъличи рирхуси риъни чебиахъуси биъни иргъули ахІен. Ил сарикІун гъар секлал Аллагълизирад хІе дигахъути диъниличил умутчерли сари.

«Ва хІушани илдиши (Идбагла хъунрази) се-биалра хъарбиухІели, ил пардавла гІелабад биреная. Илкъяйда барни хІушала уркІбас умудешли бирар» (Къуръан, сура 33, аят 53).

Калахъунти дехлибала черихънила хлекълизиб

Черахънили ахленси цархил секлай ил чебхлеку

Мухияммад Кебедов

Пергъиси замана имцлатигъунти бусурмантани чула чеблумачила хлебални хисаблизиде касили, илдала дагъри дамкъахъес вагъабиюнти къайгъилизиде саби. Ишбархли бегл гъалаб ахлен илди илкъяйда вьшбикъути: мурталра илкъяйдали бирусири... Вагъабиюндеш сен-сен даклубиубсил гъанбиркахъеле. Илдала гъавкъяна Мухияммад ибн Пябдул Вагъабли Меккала, Медина, исламла цархилти шагъуртала гъалимтани ахленрину гъевуцибси, багъуди агарти бедунтани сайри, илдачил вархли ил бусурмантани къаршили дуравхъунсира сайри. Илгъуна баркъуди ишбархлира тикрарбарес хълбикъули саби вагъабиюндешла гъуйчи кабизурти адамти. Жалбикъеси сагаси масъалали илдани чеббикъили саби «дехлибала черихънила» чебкадситема. Илди бикъули саби, калунти дехлибала черихъес гъагъили ахлен, сенкун илди черихъни кабилзахъуси цалра далил агара или. Гъарлимарли илкъяйда сабира?

Даширая хердилзехле, се бурулил иличила Чевяхъисиличивад бархъдешличил вакъисси Мухияммад Идбагли ꞥ ва илала гъуйчи кабизурти нушала умматла чебяхти гъалимтани. Авал мазгъабла имамти ва илдала гъуйчи кабизурти цауркъили саби, се сабабли калахъунти диалра – хъумкартурли яра ускаи – илди черихъес гъагъили диъниличил. Илис бикъридеш дирули саби иш пергъиси хиядисли: «Аллагъла ꞥ гъалабси чебла сеннира чебахъес лайикъси саби» (Бухари, 1754).

Дехлибала биалли сари уркалахъунсиле сари чеблани детарути, илди севан урдатурли диалра.

Ил хиядис хияжличил хасбариле бархъаибси биалра, илини Аллагълис ꞥ амруличил калзилла лерилра жураби дархдалсахъули сари.

Кабизахъурли саби, Рабазан базлизиде дуббуцала уркалахъунсиле Идбагли ꞥ бурибсири: «Калунсиле къадин цархил чиди-дигара бархли чебахъа» (Абу-Давуд, 2393).

Цагъачам Идбагли ꞥ ца жагъил рурси гъамриубли хъарбаили сари: «Дила нешла имканти лерри хияжлизиде рукъес, амма херяхъун. Набзид лебсив илис къадин хияжлизиде рукъес ихтияр,

ва илизибад илис гъагъидеш бирару?»

Идбагли ꞥ жаваб чарбатур: «Хлела пикрили, хлела нешличиб села-биалра чебла лебли, хуни ахъадли, илис гъагъидеш бирару?»

Рурсили жаваб гиб: «Гел!»

Илхели Идбагли ꞥ иб: «Аллагъла ꞥ гъалабси чебла чебахъни беглара лайикъси баркъуди саби».

Нушани балуливан, дехлибала, дуббуцарала, хияж Аллагълис ꞥ суждаличи кайзилла жураби сари, сарира цаличил ца цугдурцути, хаслира дехлибала ва дуббуцарала. Сенкун илди келра вегла чарх суждаличи кабилзахъути сари. Хияжли биалли – чархра сунела лебдешра.

Ашкарливан, Идбагли ꞥ чебли барибси саби сегъуна-биалра сабабли дехлибала калахъунсиле илди черихъахъес ва ибси саби: «Илдас, сари черихъни ахленси, цархил тяхлар агара» («Кабир» бикъуси жузлизиде Пабранини бурибси саби).

Бурибсиле илди нушани иргъулар, хъумартурли яра ускаи дехлибала калахъунсиле (илди мариести сабабти диалра) илди черихъес гъагъили сари.

Пикридухъенаягу, сабаб лебли калахъунти дехлибала черихъес гъагъили диалли, сабаб агарли калахъунти черихъес гъагъили халаси сабаб леб. Ташмишдеш агарли, ишгъуна анцбукълизиде илди черихънила цакъ гъагъили имцабирули саби.

Хиядис балкили аргъни

Цацабехитани, хиядисличил хъарахъили, бурули саби: «Чи-биалра ускаи яра хъумартурли дехлибала хедариле калалли, гъанбикъиле черихъаб», иличибли илдани бурули саби хъумартурли яра ускаи калахъунти дехлибала черихъни иргъахъули. Амма хиядисличил илгъуна пикри балкисси саби. Хиядисли черихъути дехлибала деклардирути ахлен, иличи ургъели, хиядисла мурад – «гъанбикъиле черихъаб» ибти дугъбачи нушала пикри бяхъичагъни саби. Цархилван буралли, дехлибала черихъес багъандан, белгиси манзил сабаайчи херли кайес гъагъидеш агара. Я илди черихъес пергъила бархиличил херли кайрес гъагъили ахлену, дехлибала уркалнеличилла багъурмад дарес гъагъили сари. Илди черихъес къалабаиклес



гъагъили саби («Фатхуль Бари», 2т., 47 б.; «Найлуль автар», 2 т., 27 б.).

Уркалахъунти дехлибала черихъес гъагъили биъни кабизахънила бикъри саби Бухариле ва Муслимли баахъибси хиядис – «Ахзаб» гъазаватлививад чарухъи пергъи, сунела бархкъябазиде Идбагли ꞥ буриб: «Нушазивад чилилра маркълчили (цацадехли багъахънибазиде – херейсла) дехлибала мадараб, Къурайзат бануличил даайчи». Балликъянаби архъиличил дурабухъун, ва гъуйчиб дехлибала дируси замана баиб. Бархкъябала пикруми деклардикиб. Цацабехитани пикрибариб итмаданал дехлибала дарес, Идбагли ꞥ саби гъуйчиб къалабаикахъес багъандан илди дугъбачи дурибтири или. Цархилтани пикрибариб Къурайзат банулизиде баибхели дарес, Идбагли ꞥ дугъбачи дурибси тяхларли аргъили. Илди чебахъибси мерличил баайчи дехлибала дируси манзил таманбуиб, ва дехлибала гелайзиде ардухитани илди ила баибхели черихъиб».

Бархкъябала баркъуди нушаб

хлебиусив? Хуша пикридухъеная: ардякунти даршдусмазиде хербиубти ва кумекчиби ва табиинти чебаибти лебтанилра дехлибала черихъес чара-агарти диъниличилла бурули саби, ишбархли биалли иличи ургъерти пикруми лер! Идбагли ꞥ хиядисуни илдазирад чили гъагъил дала ва иргъу? Пикриикъусилис, дила хиясибли, гъанбушибси мисал баибси саби.

Ил багъандан, нушазивад чила-биалра уркалунти дехлибала лерли диалли, илди черихъес гъагъили сари. Черихънила чебкад шаригъитла хлукму ишгъуна саби – Гъагъил ибну Хияжар вилкули сай: «Хлела лебилра акъуси замана уркалахъунти дехлибала черихънилис харжбара. Сабаб лебли дехлибала калахъунти диалли, илди черихъес къалабаикес гъагъили саби, сабаб агарли урдатурли диалли, бусурмай илди черихъес къалабаикес чейсуси саби («Фатхуль мугъин»).

Бархъдеш гелбли дашахъес Аллагъли ꞥ нушаб лебтасалра цакъяни ва гъагъили габ! Амин.

Тарикъат чинаг баклибсил

Аллагъу тагъялара ꞥ Къуръайзив вилкули виалли (мягъна): «Дила хлекълизиде жигъад барибти, нуни дила гъундурачи саби бархъкайис» или. Устазличилра кехлерхурли, идбаглира ꞥ асхъабтирира барибсиле зивад чарракайалли, Аллагъла гъабтазира гъимидухънилизиде вахъилеи кавланара? Аллагъу тагъяла ꞥ гурра вилкули сай (мягъна): «Аллагъ ꞥ гъанушнилизивад чи чеввалклар, Нуни сунечи шайтан чекабалтас, ил шайтанра сунес юлдашли бирар. Илди шайтантани сай бархъси гъуйчивад чеввалклархъу, илди Аллагъ ꞥ гъанушнилизивад чеббалкунтас, нуша дархътира или гъанбирку»

Расуллагъли ꞥ Абубакр

асхъабличил зикру талкъинбарни

Уркаила зикрути хъардарнилизиде батинси (дигъанси) нисбат или вилкули сабира исмуличилби биубси, Аллагъу тагъялала ꞥ гъай багъандан саби, сунела расуллизиде ибси (мягъна): «Ху Аллагъ ꞥ или вилкен, гур илди бати». Иш Абубакр асхъабла нисбат саби, сабира идбаглизиде батиннизи (къаркъа бухъна) буциб-

си. Иш зикру саби сунела уркализиде кабихъибси. Аллагъу тагъялализивад ꞥ баклибси, идбагли ꞥ гъайличилби къасра, иш зикруличил саби. Мягъна: «Хушачив Абубакр дурхъахъейуб дахъал дуббуцури дурциличилви яра дахъал дехлибала дирниличилви, ил дурхъавиубси сунела уркализиде кабихъибси секлайчивил сай». Лерил тарикъатунти илди келра тарикъатлизиде дакълити сари, илди келра тарикъат аслуртира сари, ряхъмула вегл Аллагъла ꞥ кумекра илдачил барх саби. (Жамигъу усулил авлиягъ. 22 бяхъ).

Тарикъатлизикерхес чебли биъ-ниличилла ва керхурсилис се пайда лебал баянбарни

Тарикъатлизиде керхес гъар адамличил чебли биъни кабизурси саби къуръайчиблира, хиядисличилбира, ва халати имамтала гъайличилбира. Аллагъу тагъялани ꞥ иб: Мягъна: «Эй иман бухибти, хуша Аллагълизиде урукъеная! Сунечи виахъуси василара (ургакъянара) тлалаварая». Бегла

халаси Аллагъличил виахъуси васила – шайх сай. (Римаху хизби ррахлим 19 бяхъ).

Ахъмаду Зарканили, сунела «Рисалат» бикъуси кунгла 9 есил фаслулизиде иб: «Расулти кел буталичил буртули саби, аслутира, аслулис гелабашутира. Аслути саби идбагунти, аслулис гелабашути саби иш умматла валиби, сабира Аллагъла ꞥ амруличилби, Аллагъла ꞥ шулгъилбиде бурхъути, идбагунтала талхъан Мухияммад ꞥ васитла виубли». Мухияммадла ꞥ умматла валибас (устазунас) мутигъивакъни чебси саби, Аллагъли ꞥ хъарбарни багъандан. Мягъна: «Хуша Аллагълис ꞥ мутигъидакъирая, Аллагъла расуллизиде мутигъидакъирая, хушазиде амрула беглгасра мутигъидакъирая». Хиякъатлизиде амрула беглгити валиби саби, сабира устазунани виубти. Гурра Аллагъу тагъялани ꞥ иб: Мягъна: «Эй иман бухибти, хуша Аллагълизиде урукъеная, хуша мартачил дархра диарая». Марти шуйхри саби. Аллагъу тагъялани ꞥ иб: Мягъна: «Набчи чарухъунсила гъуникад вашен». Гурра Аллагъу тагъялани ꞥ иб: Мягъна: «Эй иман бухибти, хушани Аллагъ имцали гъануршеная».

Чебяхти имамти-саляфуни ва тасаввуф

1 « Имам Малик

Имам Малик – авалра мазгъаблизбадси ца мазгъабла имам сайри. Ил илкъяйдали муджтагид мутлакъра, хядислизивси имамра, «Медина-лантала Имамра» сай. Илини 700 гялимлизбад багъуди касибси саби. Илдазибад 300 табигинти буибти саби. Ил Хиџрала 90 ибси дуслизив аклуб ва Исламла беглара гяхти 3 даршдуслизив хериуб. Илини гъачамалра суфизмличила гъалахили бурибси ахлен, иличи урглебли, илала гяхтигъунти мутагялимтили бирутири Ибрагим ибн Адгъам, Зуннун аль-Мисри, Гябдуллагъ ибн Мубарак биклути суфиби. «ИтхИафас-садат аль-мутаќин», 1 т., 318 б.) Ил чевяхси имамли (имам Маликли) бурибсири: «Факъигъ ветаурли, суфи ветхлеурси бунагъкар сай. Суфий ветаурли, факъигъ ветхлеурси – аллагъагар сай. Сунезир фикъгъ ва суфидеш лерси биалли Бархъдешличи льявкъян». («Аль-Мавсуѓату Юсуфият», 55 б.; «Хиашият аль-Алави», 3 т., 95 б.; [Мулла] Гяли аль-Кари, «Айн аль-Илли», 1 т., 33 б.; «Хакаику ан ат-Тасаввуф», 566 б.).

Гъанна пикридухъеная – хядислизивси ил чевяхси имам фикъгълизив суфибачил гъалмагъикибсири ва Тарикъат хлебагъурли асухлебирар виклутири.

Чичи вирхуси – ил имамличи яра чеббалкунтачи?

Имам аш-Шафиги

Имам аш-Шафиги – дунья багъуддумали бицяхъибси гялим сай. Хядисуназирти багъуддумала урху сай ил. Илини саби усулъ-аль фикъгъ гилмулис хълчи кабихъибси. Ил Шафигит мазгъабла имам сай – авалра мазгъабла имамтазирад ца.

Имам аш-Шафигли ибси саби: «Иш дунъяличирти хябал секлай дила диги аклахъубти сари:

1. Дазуагардешлизирад гелумилзнили.
2. Адамтачил малхъямли вирнили.
3. Суфибала гъуни буцили вашнили (агълу тасаввуф).

(«Аджлуни, Кашфуль-Хафий», 341 б.; «Хакъаикъу ан ат-Тасаввуф», 567 б.)

Имам аш-Шафигли гурра назмуртачил бурибси саби:

«Факъигъра вии суфира – илдазирад цацун хейубли,

Нуни Аллагъ багъандан, хези бурулра:

Суфи хейубли, факъигъ виадли – чурха уркила вегри ва хуни такъвала тлем хлебад.

Суфи виубли, факъигъ хейадли – селра хлебалусири, селра хлебалуси се барес бажардииркура?»


(«Диван аш-Шафии», 25 б.).

Гъанна пикридухъеная, ахлerti бусурманти, чичи вирхуси: нушала имам аш-Шафигличи, яра бархъдеш къабулхлебирутачи ва «восток руркъянти»-капуртачи? Имам сай аш-Шафиги суфибачил гъалмагъикили вирусир ва суфиби биахъес цархилтазира махиклутири.

Цацабехитани имам аш-Шафигла ишдигъунти дугъби гъандиркахъу: «Суфи ветаурси хери баайчи ахмахирар». Ил бурибсири Хияфиз Ибн Жавзи аль-Ханбалини сунела «Тальбис иблис» биклути жузлизив ва илкъяйдали имам аль-Байгъакъини «Манакъу аш-Шафиилизиб». Амма илди дугъби урдахъиб сай имам аш-Шафигли дурибти гъайли (илди нушани чедир гъандушира). Илди дугъби имам аш-Шафигли гъарли-мартти суфийтачил къаршивикайчи дуриб диэс асубирар.

Имам аш-Шафигли илкъяйда или саби диклахеллира, «Тальбис иблис» биклути жуз белчи сай имам аш-Шафиги сегъунти суфибачила гъайиклули багъурли гьегъи, аргъесли саби.

Ил жузлизир чердалкунти бяхичибизунани, динна деклар-декларти гилмубала вакилтани, Къуръан бучантани, мухъяддисунани, факъигъунани, вягъачибани ва цархилтани датурти хатлаби далтули сари. Масала, авторли Къуръан бучантачила луклули сай: «Илди-ургаб (Къуръан бучанти-ургаб) леб гядатли ахенси бучинилизи ахъибти ва илис макъамти пикридирути, гямрула имцасигъуна замана макъамтагъиб умцули ва илдачила жузи цаладирхънилис харжбирули, фарзани руркънилис ва чараагари цархилти секлайс замана хлебургъути. (137 б.). Или ибси Къуръан белчес асухлебирар, яра Къуръан бучанти чеббалкунти



Имам Шафигла зиярат.

саби ибси ахлен. Шаригят хлебузахъути чус «суфи» или ирути балтес, илкъяйдали лебилра суфиби ва суфизм чердалкунтази халдарес асухлебируливан.

Чевяхси мухъяддис ва шафигитунала факъигъ имам аль-Байгъакъила белкначила диклахелли, сай авторли имам аш-Шафигла дугъби баяндарили гьегъи, гъай чичила сарил гячихъидирули сари: «Манакъу аш-Шафиглизиб» имам аль-Байхакили луклули сай, имам аш-Шафигли буриб: «Адам савли суфи ветаали, хери баибхейс ил хушани гякълулизирад ухъи ургидая».

Пур имам аль-Байхакили баянбирули сай: «Нуни къалли бурра: суфизмлизичи керхурли, суфила у бихнилизбад тгягъам кайсули, гъарли-марси суфи ветхлеурсиличила сари гъай. Илди бузерилизбад цашалбикили, чула челукъути бусурмантачи хъардирути, илдачила пикрихлебикути ва илдала черкадти чула чеблуми ахес хейгути саби. Илдас багъуддуми гягъинили ахлен. Илди гягъиниси тгягъарли суждаличи кабизесра бирули ахлен. Илдигъунти суфибачила аш-Шафигли белкунсири: «Суфи суфи ветхлерар авал къиликъ агарли: азгъиндеш, велкъес хлебални, буслудеш, чевхлеркудеш».

Ишаб илини илдигъунти къиликъунала бегли балтули сай. Аллагъличи умутбихъибти ва Шаригятла адаб бузахънилизиб урки-гъарти – Аллагълис суждаличи калзнила шайчиб биаб, адамтачилси бархбасла шайчиб биаб. Гъарли-мартти суфибачила биалли, илини бурни хясибли, сай илдигъунти суфибачил гъалмагъикибси уили сай ва илдазибад илис гягъидеш башусири (Манакъу аш-Шафии) 2 т., 207-208 б.б., «Мактабату дари ат-Тарас» изд.).

Чебуийчи мешули, имам аш-Шафигли чинклар суфиби буили сай балтути, гъарли-мартти суфибачил биалли илини бархбас бузахъули ва илдазирад багъуддуми кайсутири.

Илдигъунти дугъби лер «Хульят аль-Авлия» биклути цархил жузлизирра. Илизирад чумал бутла гъандуршехе.

«Нушази буриб Мухъяммад ибн Гябдурряхмайни, набзи Абу-аль-Хясан ибн Аби Яхъяли буриб, нушази Юнус ибн Гябдуль-Аляли буриб, суненира имам аш-Шафигли бурули аргъибси: «Эгер суфи ветаурси адам духуси хейалли, хери хлебаили лебай ил абдалкайрар» («Хульят аль-Авлия», 4 т., 411 б.).

Ишаб биалли лебгъеб декларси мягъна саби. Иличила хуша пикридухъеная, ахлerti узби ва рузби – бусурманти!

Имам Гягъмад

Имам Гягъмад – фикъгълизибти ва хядислизибти беглара чебяхти имамтазирад ца сай. Илини «Муснад» белкунси саби, сунезира 30 азир хядис кадерхъурси («ИтхИафас-Садат аль-мутаќин», 1 т., 339 б.).

Илини сунени 700 азирличир имцали хядис уркиличир далули уибси сай. Ил багъандан илис «имам Агълю-с-Сунна» биклутири.

Ил гъарил дуги суждаличи калзутири, ва гъар бархли абзур Къуръан бучусири. Бурули бирар, ил вебкибхелли, хяриихъес 1,5 миллионничибра имцали адамти цалабикитири. Ил аклубси сай Хиџрала 164 ибил дуслизив, вебкиб 241 ибил дуслизив.

Ил суфиби дигутала лугилизирадсири ва илдачил гъалмагъикили вирусир.

Гьегъиси замана даклубибти (бархъдеш) къабулхлебирутани имам Гягъмад суфийтачи къарши-си сайливан гълавирхъули сай. Илис мисалли леркули сари имам Гягъмадли машгурси суфий Харрис

аль-Мухасибичил гъунибиахъес къадагъабирни.

Ибн Касирли луклуливан, Харисаль-Мухласиби гядатла адамтазирад гъарахъси адам уили сай, Шаригятли биалли, гъарил бусурмайзибад гядатла гямрулизирад илцад гъарахъли виахъес тлааббирули ахлен – хера баягъи ил сабри имам Гягъмадли илгъуна секлай къадагъабарнилис сабаб.

Имам аль-Байхакила пикри хясибли, ил къадагъалис сабаб сабри Харас аль-Мухасиби Иль-муль-Каламлис марсили виъни.

Амма илкхели имам Гягъмадли Исмагил бин Исхакълизи тиладибарили сай сунечи гягъмадли Харрис аль-Мухласиби ва сунела муридуни баклахъес. Сай имам Гягъмад илкхели чилилра чехлейуси мерличичи кайиб. Сунени биалли илди лебилра чебиулри ва илдала гъай диклулири. Имам Гягъмадли Харрис аль-Мухласибила вягъаза бакъибхелли, ил висивниб ва аргъала детихъахъули хилхли калун. Вягъаза таманбиубхелли, буриб вараличила (диннизив чевегаъни) ва гядатла адамтачирад цашалиркниличила илцадра гъайиклуси илини гъачамалра аргъибси ахлен или. (ибн Касир, «аль-Бидая ва-н-Нигъая», 10 т., 192 б.)

Имам Гягъмадли Харрис аль-Мухласиби беклилра къабулхерибси виалра, ил суфизмаличи къаршили сай диклес сабаб аги. Чи саялра, (бархъдеш) къабулхлебирутас цархил буреси агара, адамти бирхаахъес багъандан адамти биргябиргести хабурти дурни ахенси. Илди къалли имам Гягъмадла мазгъабгьегълира биклули саби, ва, адамтала гъалаб умубизс багъандан, имам Гягъмад къайдали сабира суфизмализичи кабурули ахлен или балахъули саби. Имам Гягъмад биалли диннизив илцадра чумалири, хягъта динничила ца камсилра алхлебикибси секлай бурибсилличил бархбас гълаши. Ашкарливан, илини машгурси гялим Яхъя бин Мугъинничил лерилра бархбасуни къабаибтири.

Имцати гялимтани буруливан, имам Гягъмадли Харрис аль-Мухласибичилти бархбасуни къабаибтири мутазилитуначи къаршили белкунси каламла чебкадси илала жуз багъандан.

Суфибачила гъайдиклахелли, имам Гягъмадлис илди дигахъутири.

Машгурси суфи Бишр Хяфи вебкниличила аргъибхелли, илини ибсири: «Иличичи абаэсти лебти ахенри, Амр бин Къайса ахенси. Эгер ил (Башр Хяфи) хъайчикайибси виалри, ил гъатгара чевяхирусир».

Илкъяйдали бурули бирар, Бишр Хяфи вебкили гьегъи имам Гягъмадли ибси саби: иличичи мешу-песи адам кали ахенри или (Ибн Касир, «аль-Бидая ва-н-Нигъая», 10 т., 659 б.).

Имам Гягъмадли ва Яхъя бин Мугъинни гильму—загир (чедирти багъуддуми) гягъил далниличичи хлехлеили, илди Магларуф аль-Кархичи башутири, чула суалтас илизи жавабти дедахъес багъандан («ИтхИаф ас-садат аль-мутаќин», 1 т., 269 б.).

Имам Гягъмадли гъала-гъала сунела уршилизи бурибсири суфибазивад гъарахъли уахъес, амма Абу Хяямзат аль-Багъададичил гъалмагъикили ва суфиби багъурли гьегъи, илини сунела уршилизи буриб: «Илдчил вархли вирен – багъуддумазиб, уркецилизиб, Аллагълигиб урухукнилизиб ва динна ахенти гямруличибад гъарахъбиркнилизиб, чевяхидешличи гъуцикнилизиб илди нушайчиб гъалабикили саби». («Хакъаикъу глан ат-Тасаввуф», 567 б., «Аль-Мавсуѓату Юсуфият», 55 б.).

Машгурси имам Ибрагим бин Гябдуллагъ Аляили буриливан, имам Гягъмадли иб: «Суфибачил дурхъати адамти нуни хлебалас».

Чили-сабил ибси саби, илди тамашала аги-хяйчи биркути саби или.

Имам Гягъмадли жаваб гьибси саби: «Аллагъли гьибси разидешли илди белгиси заманала бухнаб разили калаб» (Мухъяммад ас-Сафирини аль-Ханбали, «Гизауль-альбаб шарх манзума аль-адаб», 1 т., 120 б.).

Ахлerti бусурманти! Чебяхти авал имам Исламла беглара гяхти хябал даршдуслизив хлерибурули калунти саби, илди чула замана беглара чебяхти имамти бирутири. Илдани суфизм гапбирутири ва ахъли кыматлабирусир, «восток руркъянтани» ва чеббалкунтани иличи бугъанти чедуршули сари, «суфизм – бахъал аллагъунартала, буддала яра християн дин саби» или.

Пикридухъеная иличила.

ДехИбайс ужра

Дархъли, дурусли, къабулдарес-ли дарибти дехИбайс Аллагъли ﷻ гьеббиахъуси халаси ужраличила буру-ти дахъал хиядисунани бусурманти урКичеббирахъули саби:

1. «Мухьяммаддира ﷻ илала уммат-лира дарибти савлила дехИба 2 ракагъят багъандан ил бархИларе ил дугиларе бунагъуначивад Ну чевурхус».

2. «Авцали бархИ жамигъятла сав-лила дехИбала дарибси Аллагъли ﷻ кел секИайзивад уцахъу:

1) жагъанабла цализивад;
2) кИибхИандешлизивад (мунапикъ-дешлизивад)».


3. «Херела дехИбала дарибси-лис Аллагъли ﷻ жагъаннабла ца хИрамбиру».

4. «Херела гьергъила (гласр) дехИбала дарибси Аллагъли бунагъу-називад умуиру».

5. «Бархехъла дехИбала дарибсини Аллагълизи ﷻ се тиладибаралра, ил бетурхахъу».

6. «Дугелила дехИбала дариб-силис Аллагъли ﷻ жагъаннабла ца хИрамбиру ва илис СиратГла гуми ахъ-ахъес нур пешкешдиру».

Амма дехИбала чететаахъили дирусилис халаси ужраван, дехИбала чедихИртГли детурхахъусилис Аллагъ-ли ﷻ халаси танбихИра гьеббиахъуси саби. Масала, иличила бурили саб



Къуръа "Магъун" (садакъа) биклуси сура-ла 107 аятлизиб.

Идбагла ﷻ хиядслизиб буруливан, чедихИртГли дехИбайзибад Аллагъли ﷻ дурусси бутлацун саби къабулбиру-си. Дуббуцарла Рабазан базла дехИба дурхъадешличила хиядсли: бурули саби:

«Хушазивад ца Рабазан базлизиб чевсаргъибхели, ва сунела буруш-

лизив ца шайчивад итил шайчи шурухъунхели, малайк илизи виклар: Айзи. Ху Аллагъли мубаракваре ва хлечи урКлецибараб.

ДехИбала дарес къасличил ил айзурхели, илала буруш тиладибул-хъан: «Я Аллагъ, пешкешбара илис чебяхИси буруш».

Илини сунела палтар челгъухели, Аллагълизи ﷻ палтар тиладидулхъан:

«Я Аллагъ, илис гьалжанала палтар пешкешдара».

Чегъурхели, дабира тиладидул-хъан: «Я Аллагъ, СиратГла гумиличир илала келра къаш чумадара».

Ил тляхИяналичи ветеибхели, тляхИянара бусравбулхъан: «Я Аллагъ, савгъатдара илис гьалжанала пигълуми».

Дазала дарибхели, шинни тилади-биру: «Я Аллагъ, умувара ил бунагъуна-зивадра балагъуназивадра». ДехИбала дарес айзурхели, хъали дугъабилзан: «Я Аллагъ, илала хИаб бягъура шалара бара».

Херилзан гъар секИайчи сунела ахъ-ри чебтиуси Аллагъ ﷻ иличи сунела ЧевяхИдешличил ва виклар: «Я дила лагъ! Ху дугъаличил дугъаилзен - Нуни жаваб лугас. Хуша бунагъуна-чивад чевверхахъес тиладидикленая - Ну хушала бунагъуначивад чевурхус». Ташмишдеш агарли, ил халаси ужра саби. ДехИбай диштГати бунагъуни ицу, амма халати бунагъуни: адам кав-шни, ширк, къехИбадеш (зина), сихИру ва ц. - хейцу.

Хиядсли бурни хИясибли, бержиб-сила авцали бархИла дехИбала къа-булдирути ахлен.

ДехИба дучИтазив хатГлахеркули виалли, бержилра или, дехИбала хИедарили уркадатесра гъеч асухлебирар.

Рабигуль аввал

1 « Пур Адам идбагли ил нур сунези чебаахъес тиладибариб, илхели Аллагъли ил нур Адамла хала тIулбала никубачи шурбариб. Илхели Адамли байки тIулбачира илдачил сунела хIулби суркдар-рили иб: «Дила хIулбала шала, я Расуллугъ». Пурра бикIули саби, дудешли сунела дурхИялис «МухИяммад» ибси у бедалли, ил дурхИя хъули ухИнаулхъухели, дудешлис тIашкалзес дурхъали бирар или. Илцадра Аллагъли ﷻ дурхъаварибси сай нушала Идбагра ﷻ сунела ура.

Бусурмантани Макка буцибси замана, Идбаг ﷻ вавмурли ца хъа дяхИцилиуб, илала лацлич хъа-

рихъи бамсри ахъес вализур. Ил замана вакИли ЖабрагИл малаикли иб: «Я Аллагъла Расул ﷻ, ил хъа лацличира хъармалхъад, илала дяхИциличила хИятмаркуд, сенахленну ил хъулир хъунул адам-лер хИеркарирули ва илала хлечи халаси гъими леб, ху я чехИез я хела тIама хИебакъес багъандан илини къапИдарили унзара улкъайтира кIапИдарили лихИбира хъули кариили сари. Илбагъандан ил хъа мякълавад ху гъарахъвики». Идбаг ﷻ урвизур ва ил заманализив Жабраил малаик гIурра чарухъи виклар: «Хела къакъ ил хъа лацлич хъачбик-ни багъандан Аллагъли ﷻ ил хъунул адамличи

урКлецибариб ва ил Исламлизи ляркъан». Ил зама-на хъа унзара абхили иларад хъунул адам дур-рухъун ва Идбагличи ﷻ дуцIрухъи риклар: «Я Аллагъ-ла Расул ﷻ, ишбархИ бакайчи хлечив хейгуси адам аги наб, нуни се бетаурсил балули ахленра, амма иш заманализивад хлечив дигуси адам агара наб». Илизивадли дакIули саби Аллагъла Идбагличи ﷻ диги. Илбагъандан иш базлизиб Идбагличи ﷻ дигиличил, Идбаг ﷻ дурхъавирули барибси гIямал Аллагъли ﷻ къабулбарили, нушала бунагъунира умударили, Къиямала бархИ алжанализи хураби-рантачил дарх нушара декIарадарнилич хуул леб.

Мавлид

Нушала Идбаг ﷻ дурхъавирули, Аллагъли ﷻ сунес ахленти чисалра хИедедибти сипатуни, тIабигъатуни, гIяхИти гIямалти гъандуршули, нушара илцад дур-хъаси Идбагла ﷻ умматлизирад дарнилич разидеш дурабуркIули дирути мажлисунас (адамти цалабирку-ти мерани) нушала замана мавлид или бикIули саби. Идбагла ﷻ асхИабтира ил тIахИярличил цалабиркути-ри, Идбагличила ﷻ хабурти дурутири, амма илдала мажлисунас мавлид или бикIуси ахленри, илизиб биалли ахленси гъатли секИайзиб асхИабтала мажлис-личивад декIардеш лебси ахлен. Сецад хИятатагрти заяти детарулил мавлид барес асухлебирар дикIути гъайгала? Идбагли ﷻ Маккализивад Мадинализи гъиджра барибхели, Мадинала халкъ машгъурси «ТIала гIяльбадру гIялайна» бикIуси назмура бучIули гъала дурабухъунтири, Идбаглира ﷻ ил белчИниличи къаршидеш хИедариб. Илра мавлид асубирниличи ца гъатли масъала саби. Идбаг ﷻ акIубси базлизиб мавлид дебали дурхъаси саби. Мавлид бирни - ислам лизиб дебали гIяхИл ва хИятгли чебиуси баркъули саби. Мавлидлизив Идбагла ﷻ гIямруличила назму-рала куцлизиб баянбируси саби, сунезира истигъфар (тавбу) зикру (Аллагъ гъануршни), салават (Идбаг дурхъавирни) Къуръан бучIни дархдиркути сари. БегIла гъалар илдигъунти мажлисуни «Ибриль» бикIуси дебали Аллагълизиб урухIуси бусурманна бекIдешлизибси мерличир тIинтIидиуб.

Илдигъунти мажлисуни дирнира къабулдариб дебали машгъурти гIялимтани, илдазибид аль-хИафиз

Ибн ХИаджар Аскъалани, аль-хИафиз ас-СуютИ ва цархИлти. Мавлид бирнилизивра дахъал пай-дурти лер - Идбагличи ﷻ диги дакIубирни, вегIла разидеш дурабуркIни, бусурман узбала ургабси диги цIакъбирни, садакъа бирни, Идбагличила ﷻ багъуди имцIабирни ва дахъал цархИлтира. Аль-хИафиз ас-СуютИ шаригъятла мавлидла бархъ-дешличила виклар: «Мавлидлизир бекIлидиубти адамти цалабяхъни, Къуръа аятуни дучIни, Идбаг-ла ﷻ гIямрулизир кадикибти декIарадулхъути анцIубукълуми гъандуршни сари. Ва илдазиб шаригъятличи къаршили кабизурси секIал агара. Илала дурабадра Идбагла ﷻ хИадслизиб леб: «Ислам-лизив гIяхИси гъуни кабихъибсилис, ит гъуйчи каби-зурталара керира Къиямала бархИ бакIайчи сунечи башар. Амма илдигъунти мажлисуначи къаршити-ра леб. Чула вайтIа аргъибти хИадисуначи хъарби-кили мавлид ва цархИлти ил журала мажлисуни асудирути ахлен или кабизурти. ХИадслизиб леб: «Христиантани Писа идбаг дурхъавируси тIахИярли хIушани ну дурхъамайраба». Вархъси бусурман адамлис нушала Идбаг ﷻ. Аллагъла дурхИя сай ибси пикри хИакъан, идбаг виаб, цархИл виаб Аллагъла дурхИя яра кIиэсил Аллагъ ﷻ сайниличила пикри бакIалли, ит адам капур ветаруси сай, бусурман-дешлизивад исламлизивад дураулхъуси сай ва ил секIал гъариллис дакIуси саби. Сегъуналра бусур-манна илгъуна пикрира биэс хлечирни ашкарси саби, сенахленну хИадслизиб леб: «Ну Аллагъла

лагъ ва расул сайра» ибси. Ил багъандан мавлид бирусилези къаршили дурути гъай пайдаагрти ва асухледирути сари. Нуша гъар бархИ цаладир-кулра, беркай дукулра, разити хабурти дурулра, телевизорли чи хИердикIулра, чис биалра гIелар гъайдикIули замана буркIулира, илгъуна мажлис-личи инкардеш, къаршидеш дирусира чилра агара, амма илгъуна мажлисра барили телевизорличи хИерикIусилара адамтас гIелав гъайгИниларе мерличив Идбаг ﷻ дурхъавирули, Аллагъ гъанур-шули калахелли, иличи къаршити дакIубулхъули саби. Цаца бекIтас мавлид назмуртала куцли-чил бирни къабулбиркули ахлен. Амма Идбаг ﷻ викIули сай: «Назмуртазиб хИикмат лебси саби» или. (Имам Бухари). Ца заманализив КагIб ибн Зубайрини назму цахИнабяхъиб, ил цалабяхъни-лисра Идбагли ﷻ илис сунела халГят пешкешба-риб. Пурра бурули саби, Пумар асхИаб мижитла ухИнавхъунхели, илав ХИасан ибн Сабит бикIуси поэтли сунела назмурти дучIули леври, вайтIа хИеризурси Пумарлизи илини иб: «Нуни назмурти хлечив гIяхИсила гъаларра дучIули калунра» Идба-гра ﷻ урКилауцили. Нушабра баэси леб «ХИадисул Къудсилезибси» Аллагъла гъай: «Дила хИабибличи салават бурибсилис нуни вецIал чардалтас» ибси, Аллагъли ца салават чарбатурсиличира жагъан-набла ца къачхИебилкан. Аллагъли нушала мав-лидунира ва лерил цархИлти гIяхИти гIямултира къабулдараб. Амин!

МухІяммад Идбагла ﷺ чевяхІдеш, кабизалачевдеш ва цархІилти хасдешуни

**Сунес дигуси МухІяммад ﷺ
Къудратла ВеГІли ﷺ Адам
ахІеклубли левай, виахъуси сай.
Аллагъли ﷺ гъай сасиб лебил-
ра идбагуназибад МухІяммад
Идбагличи ﷺ илди бирхули биъ-
ниличила, чула гІямрулизив
ил дакІуухъалли, илис кумекра
бирниличила. Гъаларла Дурхъа-
ти белкІаназиб ил алкІуси сай
или багъахъурсири.**

Ил алкІухІелли илала неш Аминат-ли тамашала нур чедаибтири, чулира Сириялизибси Басра шагъарла къала шалабарибти. Заклизибси цІуба гъагулли Идбаглис ﷺ дяхІцІи бетарахъули гъуниввалтусири. Галгалари иличи гІяшбиубли, дяхІцІи бетарахъусири. Малайкунани илала михъири чуйнал гъаргбарили, уркІи умубариб. Иличи Жабраил малайк бегІ гъалав дигІяндеш гъаргбирули вакІибхІели, михъирличи гъажвариб, илис дагъри лугули ва илкъяйдали илис ЧевяхІсил ﷺ а дигІяндеш гъаргбарни хІуруцІлизиб иргъахъули. Аллагъла Расул ﷺ чина укъялрира иличил барх малайкунира башутири. Бадрализир ва ХІунайнализир детерхурти дурхъати дургъазиб Идбагла ﷺ шайчиб малайкунира бургъутири.

Дурхъаси Къуръайзиб Идбагла чарх-ла гъарил биркІайчила, гъарил илала баркъудиличила бурули саби. Ил гушли кайсалрира велкъи алзусири. Илини сунела дяхІла гъалартиван ГІелартира чедиутири, цІябдешлизирра секІал шалахІеливан чедии. Идбагличивад ﷺ гъарахъсиллира илала мякълавсилливан илала тІама бикъусири. Илала майла-ла тІем мисклайчиб бизисири. Ахъси къаркъа вегІла мякъла тІашкайзалри Идбагла ахъси къаркъа вегІ ветари. Ил Идбагла ﷺ ванзалличи вархъаили гІергъи палчни ва сихІрукъяби пужбарибтири ва илдала дурутачи бирхарути ахІенри. Ил дакІувиубли гІергъи заклизирадти дигІянаги багъахънибачи шайтІунти лехІдилзахъес къадагъабариб, илдас заклизиди ахъдиахъесра къадагъабариб.

Аллагъла Расул ﷺ гили-къабта чедихъибси Буракъличи (алжанала мицІираг) мурдаватурсири ва дугила замана къантІси заманала бухІнаб илини ил Байт аль-Мукъаддаслизи (Иерусалимлизиди) виахъусири, илабадди илди заклизиди ахъбирутири – Сидрат аль-мунтагъаличи ва илала чедибси гъанналауи Аллагъли ﷺ акІахъубси чилра ахъхІейубси мерличи, ил дугил Къудратла ВеГІли ﷺ илис тамашала секІал чедаахъиб. Илини (челякъла балуси) имам сайливан, малайкуначил ва идбагуначил дехІибала дариб. Аллагъли ﷺ илизи Алжанара ва жагъаннаб, Алжанала лигІматуни ва жагъаннаблизиб секъяйда бунагъкарти гІязаббуркІулил чедаахъиб. Идбагли ﷺ Сай ЧевяхІси ﷺ чеибсири, илис илгъуна пагъму бедили гІергъи.

ЧевяхІсилли ﷺ МухІяммад Идбагличил ﷺ къабулдикахъес хъарбариб, яра илис салаватра саламра делчІахъес. Идбагли учІесра лукІесра хІебалули виалра, бегІлара иш дунъяличиб тамашаси ва мягІничебси дурхъаси Къуръан илис Аллагъли ﷺ чедибад бархъибси саби, иличибад лебилра дунъялис. Аллагъли сунечи

чесиб Идбаглис ﷺ хасбарибси Къуръайзиб цалра хІярп яра ишара барсбарнилизибад ва балкІбарнилизибад, имцІабарнилизибад ва камбарнилизибад мяхІкамбарес. Къуръайзи кедерхахъурли сари Дурхъати БелкІанала, гъаларти ва гъаннала гІергъити гІилмуртала мягІна бухІнабуцибти белкІани.

Къудратла ВеГІли ﷺ нушала хужаимлизи ﷺ дунъяла давлумала умхъни дедиб ва гъанналаур чисалра хІедедибти хІядисуни, Сунна ва пасихІкардеш лебил дунъялис бяркъ бедес багъандан дедиб. Ил багъандан Аллагъла ﷺ уркІецІи гІяламличи Аллагъла Расулла ﷺ кумекличил саби чебитуиси. Къуръайзиб МухІяммад Идбагла ﷺ дунъяличиб ряхІмула вегІван сай вархъибси ибси аят леб. Аллагъли ﷺ илис Сунела кІел у – «Рауфун ва РахІим» дедиб, чулира «УркІецІиличилси» ва «РяхІмуличилси» иргъахъути.



Аллагъли ﷺ илис саркъибси, амма дебали ахъси даражала, мурхъси мягІнала, гІур чисалра хІедагъахъурти гъай дагъахъур. Къудратла ВеГІли ﷺ илис бегІлара дурхъати дигІяндешунала умхъни дедиб ва лебилра сунени акІахъубтачи Идбагли ﷺ вархъиб. Дунъя акІахъубси Аллагъли ﷺ илис илцадра пергерси чевяхІдеш бедибсири, ил чеибмад гъарахъли виалра душман руржескайрусир.

Сунела дигуси Идбаглис ﷺ ва илала умматлиси лебилра ванза Аллагъли ﷺ мижитли бетаахъур, сунезир дехІибала дирахъес багъандан.

Иличил пайдалабикІахъес нушала Идбаглис ﷺ ва илала умматлиси саби ихтияр лебси.

Илала тамашала гІяламатуни дунъя каберхайчи кавлан, илдала асар Кыямала бархІиличи бикайчи кавлан. Аллагъла ﷺ вигусила шаригІятла цІакъ Кыямала бархІиличи бикайчи кавлан. Илала ШаригІят бакІили гІергъи цархІилти илис гъалабти идбагунала шаригІятуни урдирухъути сари. Илданира ца Аллагъ ﷺ виъниличиб халкъ жибирули биалра, бухъянси заманализиб, илдас гІергъили бахъал хІебъкъун,

МухІяммад Идбаглис ﷺ гІергъи камси заманала бухІнаб бахъал арбъакъун. Илала уммат гІяхІсигъуна, бархъдешгІебси, бунагъагарси саби.

Исрафил малайк нушала дигуси Идбагличи ﷺ ахІи чичилра кацІибси ахІенри. Кыямала бархІи илцун вирар Адамла дурхІнала, лебилра адамтала вегІбекІ. Илала жамигІятлиси камти гІямру дедили диалра, илди бегІлара дурхъагирри Аллагъла ﷺ гъалаб. МухІяммад Идбагла ﷺ ва илала уммат иш дунъяличиб бегІла гІергъи акІнила дигІяндеш илди Кыямала бархІи сабайчи хІябразиб цархІилти идбагуначибра умматуначибра камси заманалис кавлули биънилизиб саби.

Кыямала бархІи «Лива уль-хІямд» байрахъ МухІяммад Идбагла ﷺ някъбазиббирар, ва Адамвалебилра цархІилти идбагуни илала байрахълиу цалабиркур. Аллагълис ﷺ МухІяммад Идбагла ﷺ дурхъаси сай цархІилти идбагуначив-

ХІусенна, наслула вакилти бегІлара хІурматла, гІякълучебти ва гІягІнити адамти саби дунъяличиб.

Гъалабти цархІилти идбагунала умматуначи Аллагъли ﷺ дахъал балагъкъадар дяхІчаибтири, МухІяммад Идбагла ﷺ умматличи биалли Сунес дигуси Идбагла ﷺ багъандан илдицад халати балагъуни дяхІяибти ахІенри.

Муэрлизив Идбагла ﷺ чеибси адам ил сай мицІирли чеибсиллизи халируси сай.

МухІяммад Идбагличи ﷺ вирхули ца хІеризалра илала кумекчи ветаруси сай. Гъарил адам, багъуди агарси гІяраб виалра, Аллагъла Расулличи ﷺ вирхуси ва ил чеибси гІягІла шайчи варсирули сай, гІяхІси ва Аллагъличи ﷺ вирхуси ветарули сай. Ца камси секІал баралра Идбагла ﷺ кумекчили, мургъила ва арцла дубура цархІилли дутІалра иличи абиркули ахІен. Идбагла ﷺ кумекчи ватІалли, илис ургъалли, диргала буралли, бунагълабирули саби. Илди Сай Аллагъли ﷺ Дурхъаси Къуръайзиб гапбирутири.

ДехІибала дирути лебтанилра Аллагъличи ﷺ разидеш балахъули саби. ДехІибайзирти гъай: «Ас-саламу гІалайкум аййугъа-набиййу» (Даршудеш, хІед Идбагла!) я илкъяйда дехІибайзир цархІил чи-биалра чевяхІваралли, дехІибала детхІерар. ДехІибала дирусилличи Идбагла ﷺ дугъаизалли, илини дехІибала дехъес ва илис жаваб бедес гІягІнибиркур, амма цархІилла гъайлис жаваб бедни къадагъабирули саби. Дурхъаси Идбаглис ﷺ ургъуси, яра ил увяхІвируси – динничи къаршиси сай, ва ЧевяхІсилли ﷺ ил кавсахъес хъарбирули сай.

Идбагла ﷺ зягІипикибхІели, илала изала кІинали цІакъсири, сенахІенну Къудратла ВеГІли ﷺ илала даража ахъбарибси саби. Адамтала гъимидухъести излуми хІедири илала. Илдигъунти излуми цархІилти идбагуналар хІедири. Илалара цархІилти идбагуналар къаркълуми хІяблар гІутІукадирути ахІен. Аллагъли ﷺ ил секІал къабулрабирули саби. Идбагла ﷺ хІябла мякъла Къудратла ВеГІли ﷺ малайк катурли сай илар илис дирути балгначила ва Аллагъ гъанти баркъуддумачила балахъес багъандан. ЖамигІятла лерилра диркъутира далахъули сари илизи. Илала минбар Хавзла – Алжанала шарала чедиб саби, ва илала хІяблара минбарлара ургабси мер Алжанала анхъ саби.

Аллагъла Расулла ﷺ къаркъала бухІнабси хІяб закличибра, ванзалличибра, ГІяршличибра, Курсличибра, Альжайчибра ва лерилра дунъяличиртачирра дурхъаси саби.

Дурхъаси «Лайлат аль-къадурла» дугиличибра Аллагъла Расул ﷺ акІубси дуги гъатІира дурхъаси саби. Кыямала бархІи ил бегІ гъалав алзуси сай хІяблавад. Гъар савлилизиб ва гъар бархІехълизиб илала хІябличиб 70 азир малайк кабилцІути саби. Савли кабацІибти бархІехъ сабаайчи илала хІябла алав кавлути саби, бархІехъ кабацІибти – савли сабаайчи. Кыямала бархІи хІяблавад айзурхІели 70 азир малайкли ил гъуниввалтуси сай.

Аллагъли ﷺ ахъри габ нушаб бархъси секІал бархъли чебиахъес, балкІси – балкІли!

Амин

Эгер хъунул адам чуйна-биалра шерн рякьун риалли, чидил муруйчил рирусив ил Алжанализир?

Эгер хъунул адам чуйна-биалра шерн рякьун риалли ва бег1ла г1ергъиси муруйчил декларх1ерикили ребк1или риалли, Алжанализир ил г1ергъиси муруйчил рирар. Илкъяйда ил г1ергъиси муруйчил рирар, эгер ил вебк1ибх1ели ил г1ур шерн х1ерякьун риалли. Хъунул адам чуйна шерн рякьун риалра ва гъар муруй илизи т1алакьла дугъби дурили виалли, Къиямала барх1и илизиб ихтияр леб сунес дигуси декларварес, ва х1ядисуназиб бурули къяйда, илини х1ял-т1абиг1ятлизиб бег1лара г1ях1ситъуна декларвиру («Аль Фатава аль хадисия»).

Ну школализир рузулра, хъули къанни чаррулхъулра. Дила бетарули ах1ен заманализир дех1ибала дарес х1янчилар, къанриулла. Нуни илди дугели чернхъулра. Набчи се х1ерлив?

Дех1ибала сабаб агарли урдалтусиличи х1ерси х1ерли саби х1едра. Х1уни иргъулри, замана агара или, дех1ибала урдалтни бархъси х1ебъниличила. Идбагла ﷺ х1ядис лебси саби, сунезибра ишгъуна мяг1на лебси: «Адамли иш дунъяла сек1ал дараб, сай иш дунъяличив калнила къадар, ва Итил дунъялис барес къайгъилизиликаб, сай итав калнила къадар. Нушани х1уша х1янчи бархъбатахъес жидирули ах1енрая, амма хъумх1ертес чебиркур, нуша Итил дунъяличир нушала баркъудлумачил Аллагъла ﷻ гъала т1ашдизес чевкъниличила. Ишаб ца хабар гъанбушни лайикъли чебиулла. Абу-Бакр аль-Каттанини буриб: «Ца адам сунела баркъудлумачила, бунагъуначила пикривик1ули уили сай. Гъачам ил сунела дусмачила пикриухъи уили сай, ил 60 дус виублири, яра царх1илван буралли, илини 21200 барх1и х1ериубли уили сай, илини хапли ч1ярбяхъили сай ва къагъвиубли кайкили сай, аргъала чардунх1ели, илини иб: «Наб балагъ саби, ну Чевях1силичи 21200 бунагъличил аркъулра, эгер барх1илис ца бунагъ халбаралли! Барх1илис нуни дахъал бунагъуни дарили ургус!». Пикриухъи илини чебатур: «Нуни иш дунъя т1ашбатурра (белшира) ва Даимси дунъя гъят1аира, Сахаватси Хужаимличи лех1лехъира, белшунси бархъбатес х1ейгулла ва гъят1биълумазн гечис х1ейгулла. Къиямала барх1и г1ях1ти баркъудлуми агарли се баришав нуни?» Илини г1урра ахъли т1амадариб ва левси мерличив вебк1или кайкиб.

Ах1ерти буч1анти, дех1ибала датни – ил дебали дек1си бунагъ саби. Аллагъли ﷻ х1ушала дех1ибала къабуддарнилизбад дигахъуси саби Итил дунъяличибси х1ушала къисмат. Дех1иба суайчи чекадизурли х1ердик1ес лайикъли саби. Аллагъ ﷻ кумеквиаб х1ушаб ил сек1ал аргъахъес ва Исламла къанунти чекадизурли дузахъес.

Хъунул адамлис вебк1урала черкад дирути жаназала дех1ибала дарес асубирару?

Эгер адам вебк1ибси мерлав ца виалра мурул жинсла адам левли виалли, сайра 6-7 дус виубсиличив халаси, илис жаназала дех1ибала дарес черти сари. Царх1илван, дех1ибала ца хъунул адамлилра диру. Лебилра хъунрасра асубиру, илди дех1ибала цах1нар, жамаг1ятличил даралли г1ях1си саби.

Эгер хъунул адамли жаназала дех1ибала дарили г1ергъи мурул адам дак1уухъалли, илди сагадан дарес г1яг1нидеш агара («Нигъаятул мух1тадж»).

Цацабех1тани зияратличи бякъунх1ели, иларад г1янжи ардихули саби. Ил барес асубирару ва ил зиярат чила биалра деклардеш лебу?

Вег1личил г1янжи ардихес, Маккализирадти яра Мадинализирадти къаркъуби, илди шагъуртала алавла мермусаличирад селра ардихес асубируси ах1ен (х1ярам). Илкъяйда асухебирар иларад г1янжилизирад дарибти сек1ал ардихес. Х1ейгеси саби чедир гъандушибти сек1ал дурхъати шагъуртази дихесра. Эгер чили-биалра Маккализирад яра Мадинализирад яра алавла мер-мусаличирад илди сек1ал касиб виалли, илини илди чардарес г1яг1нити сари, амма илини илди сек1ал деткахъахъили виалли, ахъри барес г1яг1нидеш агара. Имам Абу-Хянифала мазгъаб х1ясибли, лерил илди асудирули сари баракат каснила къасличил.

Бурибилизибад чебиулла, имам Абу-Хянифала мазгъаблис г1ергъи вашули, дурхъати мераначирад г1янжи касес асубирули саби, баракат сархес багъандан, амма ил барнилизивад сахъиалли г1ях1си саби, сенк1ун илала чебкад г1ялимти цабалгунси пикриличи бак1или ах1ен («Фатх1ул Г1яллам»).

Мижитлаб садакъа тиладибирес асубирару?

Мижитлаб садакъа тиладибирни карагъат саби (х1ейгеси). Амма х1ушази мижитлаб тиладибирули биалли гахъес, бедни г1ях1си саби. Ишар гъай, гъайгъайра, тиладивик1уси мижитлаб булгутас диргалах1ейк1ули виъниличила сари. Эгер диргалаулахъули виалли, садакъа тиладибирес асухебирар (х1ярам), ва илис садакъа лугесра асухебирар, ил булгутас диргалах1евхъахъес багъандан (Фатх1ул Г1яллам).

«Алх1ямдуллилагъ» ибси дурхъасив яра «ля илягъа илля лагъ»?

Цацабех1 г1ялимти бик1ули саби «алх1ямдуллилагъ» дурхъаси саби «ля илягъа илля лагъличиб» или, ва бикърилис Идбагла ﷺ дугъби леркули саби: «ля илягъа илля лагъ» ибсилес, 10 г1ях1ти баркъудлуми лужкути сари, ва 10 вайти чердулга. «Алх1ямдуллилагъи Рабил г1яламин» ибсилес биалли – 30 г1ях1ти баркъудлуми лужку, ва 30 вайти баркъудлуми чердулга. Царх1илти г1ялимти бик1ули саби «ля илягъа илля лагъ» дурхъаси саби или, ва Идбагла ﷺ дугъби леркули саби: «Алжанала умхъни сари – «ля илягъа илля лагъ» ибти дугъби». Илкъяйда Идбагли ﷺ иб: «Нуни ва наб гъалабти идбагунали ибси бег1лара дурхъаси – ил «ля илягъа илля лагъ» саби» («Фатх1ул Г1яллам»).

Гъамти тухумтас закат беддугес асубирару?

Закат бедес асубируси саби Шариг1ят х1ясибли нушани абикуес чебли ах1енти тухумтас. Илдигъунти саби узи, рузи, илда-ла дурх1ни ва ц.(Фатава ал Чохи).

Нушала Идбагла ﷺ узби ва рузби лебтирив?

Нушала Идбагла ﷺ дулек1ла узби ва рузби агартири, амма ниъла лебтири. Ниъла узби: Масрух1, Х1ямза бину Г1ябдулмут1алиб, Абу Салама бину Г1ябдуласад ал-Мах1суми (г1ергъити к1елра Сувайбани балхули калунтири Идбаг ﷺ ак1ес авал дус гъала), Г1ябдуллагъ ибну ал-Х1ярис, сунелара неш Х1ялимагъас-Сайдия сарри. Ниъла рузби: Х1узайфа, Анисат бинт ал-Х1ярис. Илдира Х1ялимагъатла рурсби сабри (ар Равзул –униф).

Нушала мижитла имам вагъабист сай. Се барес г1яг1нилив нушани, илис г1ергъи дех1ибала дирутив яра х1едирутив?

Гъалаб илгъуна суайс жаваб лугух1ели, нуша мубтадиг1ичила (сагакъянчи) сарри гъайдик1ути, суненира бусурманти бархъси гъуйчибад чебхебулкахъути. Вагъабизмаличила гъайдик1ах1елли, г1ергъити шурт1ри х1исаблизи касес г1яг1нибиркур: эгер имамли тасавуф (т1арикъат), мавлидуни марх1едирули виалли, яра илала пикруми чердалк1унти диалли, масала, Аллагъла тах Г1яршличиб саби или вик1алли, ил адам чеввалк1унси сай ва илис г1ергъи дех1ибала дирес асухебирар. Эгер ил имам муридуни, шуйхри ва чула пикри-х1ер г1ерх1едурцути лебил бусурманти капурти саби или вик1алли, илгъуна имамла г1ела кайзури дех1ибала дирес хайрибируси ах1ен, сенк1ун бусурманти капурдешлизиб г1яйиблабируси, сай капуркайруси сай. Х1ядислизиб бурули саби: «Чили-биалра чи-биалра капурдешлизиб, бунагъкардешлизиб г1яйиблавирули виалли, ил г1яйиб сунечи чарбирар, сунени г1яйиблавируси илгъунали х1ейалли». («Аль-иълам ли каватииль Ислам ли Ибн Х1ажар»).

Нушала Идбаг ﷺ царх1илти идбагуначивад сегъунти къиликъуначил декларулхъусив?

Нушала Идбаг ﷺ царх1илти идбагуначивад декларулхъахъути дахъал къиликъуни лерти сари, илдазирад бег1лара машгъурти г1ергъити сари:

1. Нушала Идбаг ﷺ - лебил идбагуначив бег1лара дурхъаси сай.
2. Ил лерил ак1ахъубтачи вархъибсири: адамтачи, жиндрачи ва миц1ирли ах1енти сек1лачи, царх1илти идбагуни биалли, белгити халкъличи бурхъутири.
3. Ил бег1ла г1ергъиси Идбаг ﷺ сайри, илис г1ергъи идбагуни х1ебирути саби.
4. Илис багъандан ванза умусили бетаахъурсири таяммум дирахъес.
5. Душманти урухк1утири нушала Идбагличибад ﷺ, х1ятта илди ургаб дебали халаси ургала лебли биалра. («ал Г1акъидатул исламийя»).

Васият белк1ес чебсив убк1усилис?

Васият белк1ни дебали мяг1ничебси суннат саби. Ибн Салах1ли иб: «Васият х1ебатурли вебк1ибси адам ахиратлизиб гъайвик1ес х1ейрар. Илкъяйда вебк1ибти цаличи ца шадиб башути саби Чевях1сила кумекличил, васият х1ебатурти биалли, х1ебашути саби» («Бугъятул мустаршидин»).

Рузнама

Март

дни	Утрений Ac-Субх1	восх.	Обеден. Az-Зугър	После-обеден. Аль-Г1аср	Вечерн. Аль-Магъриб	Ночной Аль-Г1ишаъ
1	4:51	6:23	12:08	15:12	17:43	19:09
2	4:50	6:21	12:08	15:13	17:44	19:10
4	4:46	6:18	12:07	15:14	17:46	19:13
6	4:43	6:14	12:07	15:16	17:49	19:15
8	4:40	6:11	12:06	15:17	17:51	19:17
10	4:36	6:08	12:06	15:19	17:54	19:20
12	4:32	6:04	12:05	15:20	17:56	19:23
14	4:29	6:01	12:05	15:22	17:59	19:25
16	4:25	5:57	12:04	15:23	18:01	19:28
18	4:21	5:54	12:04	15:24	18:03	19:30
20	4:17	5:50	12:03	15:26	18:06	19:33
22	4:14	5:47	12:02	15:27	18:08	19:35
24	4:10	5:43	12:02	15:28	18:10	19:38
26	4:06	5:39	12:01	15:29	18:13	19:41
28	4:02	5:36	12:01	15:30	18:15	19:44
30	3:58	5:32	12:00	15:31	18:17	19:46